


Wat is eentlich en Bundsteg?

Se wüllt en Book mit Word schrieven – orr jichenswat Längers, dat duppelsiedig utdruckt warm schall. Mag ween, Se wüllt dat dorna as Ringbook binnen orr einfach in en Klemmspanner spannen. Dat kennt Se all: De Ringbinnen, de Klemmspanner, beid bruukt Platz. De Platz fehlt denn an'n Rand. De Text geiht bet deep in de Midd, dat kannst knapp lesen un versöchst, dat wieder uteneen to bögen – en Liembinnen brickt denn faken. Ik glööv, jedereen vun uns hett so'n Taschenbook in't Schapp stahn, dat in'n Rügg braken is.


Nu kannst natüürlich den Rand grötter maken. Man wenn de Bläder op beid Sieden bedruckt sünd, helpt dat ok nich, de Binnen is wesselwies mal links, mal rechts, un dat süht alltohoop dösig ut.

Denn brukst en Bundsteg.

So kriegt Se em:



- Klickt Se bi **Seitenlayout** in'n Beriek **Seite einrichten** op den Knoop in de Eck (rode Krink Bild oben).
- Nu kümmt de Dialog **Seite einrichten** (Bild neegste Siet). Hier klickt Se op de eerste Registerkoort erstmal op de List **Mehrere Seiten** (Ziffer 1 in dat Bild op de neegste Siet), un in de List klickt Se op **Mehrere Seiten**.
- Nu kunnen Se eentlich dat Probleem al anpacken, denn baven bi **Ränder** steiht nu nich mehr **Links** un **Rechts**, sünnern **Innen** und **Außen**. Un de Rand, de grötter maakt warm mutt, is de binnere Rand (süh Ziffer 2 op dat Bild neegste Siet).



- Man noch beter geiht dat mit den Bundsteg (Bild nern). Dat is en tosätzliche Binnenrand. Stellt Se in de List baven in, wa groot de ween schall. Wenn dat vun Profis bunnen warm schall, köönt Se ok in Ehrn Copyshop orr bi Ehr Druckerie fragen, wat för'n Rand de bruukt.
- In de Vörschau nernn seht Se: De Rand is jümmers an de richtige Steed.

Wohrschuug: Wenn Se sik in de normale Word-Ansicht an'n Billschirm twee Sieden op eenmaal wiesen laat, schient dat, as weer de Rand nich an de richtige Siet. Is he avers! Word blidt dat bloots nau verkeert af. Sieden mit *gerade* Nummern sünd *linke* Sieden, Sieden mit *ungerade* Nummern sünd *rechte* Sieden. Wenn Se dat druckt, süht allens manierlich ut!

